



DRUGI KONKURS ZA PODRŠKU LOKALNIM IDEJEMA I INICIJATIVAMA

ČESTO POSTAVLJANA PITANJA

➤ **Da li na Konkurs mogu da se prijave registrovane stambene zgrade/zajednice?**

Ovaj Konkurs namjenjen je udruženjima građana, ali i neformalnim grupama građana koje broje minimum tri člana (od kojih je minimum jedan punoljetan). Stambena zgrada može da se prijavi i kao registrovano udruženje, ali i kao neformalna grupa. Na vama je da odaberete model.

➤ **Da li podržavate projekte na teritoriji cijele Zenice?**

Konkursom želimo da podržimo najbolje ideje na teritoriji cijelog Grada Zenice. U obzir dolaze sve kreativne ideje na kompletnom ovom području, kako u gradskim sredinama, tako i u prigradskim naseljima i selima.

➤ **Da li mogu potražiti novac za stipendiju? Umjetnik sam ili student, a vi podržavate oblasti kulture i obrazovanja?**

Drugi konkurs Lokalne fondacije Zenica (u daljem tekstu LFZ) ne podržava pojedince, ali u situacijama kada se udruže tri umjetnika ili studenta i akcija koju sprovode je od koristi za veći broj građana, ohrabrujemo ovakvu vrstu saradnje i pozivamo ih da pošalju popunjen formular sa svojom idejom. Stipendija nije nešto što LFZ podržava putem ovog konkretnog konkursa.

➤ **Da li može naša ekipa da podnese više projekata?**

Da, možete poslati više od jednog projekta, ali podršku može dobiti samo jedan od njih.

➤ **Koliki je minimalni iznos donacije?**

Kroz ovaj Konkurs definisan je minimalan iznos i to je 500,00 KM po projektu, a maksimalan iznos je 2.000,00 KM po projektu. Generalno, sve inicijative između 500,00 KM i 2.000,00 KM su dobrodošle. Podržavamo i male inicijative i intervencije koje za mali novac mogu dati vidljive rezultate u vašim lokalnim zajednicama.

➤ **Da li je potrebno da grupa sama obezbjedi neki novac?**

Neformalne grupe i udruženja građana nemaju obavezu da obezbjede dodatni novac za potrebe projekta, ukoliko smatraju da je iznos između 500,00 KM i 2.000,00 KM dovoljan za ostvarenje ideje. Ukoliko budžet za vaš projekat iznosi više od maksimalnog iznosa (2.000,00 KM) obavezno navedite gdje ćete obezbjediti dodatna sredstva za vaš projekat.

➤ **Šta su obaveze grupe ili udruženja koje LFZ podrži u okviru ovog poziva?**

Najvažnije obaveze su: potpisivanje ugovora o realizaciji projekta, realizacija aktivnosti iz podržanog projekta, transparentno trošenje novca iz odobrenog budžeta, dostavljanje narativnog i finansijskog izvještaja o realizovanom projektu.

Sa registrovanim udruženjima se potpisuje Ugovor kojim se definišu sva prava i obaveze. Neformalne grupe, jer nisu pravna lica, treba da uspostave formalnu saradnju sa drugim

Zenica se pita!

www.lokalnafondacijazenica.ba



registrovanim udruženjem (Sporazum o ustupanju računa) koja će im ustupiti račun na koji će biti uplaćena sredstva za realizaciju prijavljene ideje. Za svako plaćanje potrebno je obezbjediti odgovarajući račun i/ili ugovor, koji na kraju projekta treba dostaviti LFZ. Kompletna uputstva i obuku iz finansija sve grupe i udruženja koja budu podržana će dobiti prije početka realizacije projekata.

➤ **Da li budžetom projekta možemo predvidjeti honorare za njihovo sprovođenje?**

S obzirom na to da je osnovna ideja ovog konkursa podrška volonterskim idejama građana za promjene u lokalnoj zajednici i da je maksimalan iznos budžeta 2.000,00 KM, nije predviđeno da u sebi sadrži honorare za aktiviste koji učestvuju u realizaciji ideje.

➤ **Da li je prihvatljivo u budžetu imati kao stavku zakup prostora na određeno vrijeme?**

Da, zakup može biti uključen, ali je preporuka da se prostor obezbjedi kroz neko partnerstvo ili ustupanje prostora na korišćenje, kako bi se odobreni novac iskoristio za realizaciju aktivnosti, nabavku materijala, opreme i robe.

➤ **Da li je dozvoljeno plaćanje u gotovini?**

Nije dozvoljeno plaćanje u gotovini. Plaćanja za robe, usluge, materijale navedene u odobrenom budžetu isključivo se vrše putem transakcijskog računa, po ranije dostavljenom predračunu ili izdatoj fakturi i fiskalnom računu. Računi moraju glasiti na ime udruženja sa kojim je potpisan Ugovor/Sporazum, a isti se zajedno sa izvodima iz banke, kao dokazi o izvršenom plaćanju, dostavljaju uz finansijski izvještaj LFZ.

➤ **Da li je prilikom konkurisanja neophodno dostaviti predračune za stavke navedene u budžetu?**

Ne, to nije neophodno. Selekcioni odbor ocjenjuje razrađenost i realnost budžeta, a ukoliko projekat bude izabran za podršku tada ćemo dati sve detaljne smjernice i uputstva za finansijski dio.

➤ **Da li mjesto djelovanja treba da se poklapa sa mjestom prebivališta članova neformalne grupe?**

Selekcioni odbor će prilikom ocjenjivanja, na osnovu podataka iz prijave sagledavati realni kapacitet grupe za realizaciju predloženih projektnih aktivnosti. Nije obavezujuće da mjesto prebivališta članova tima bude i mjesto realizacije projekata, ali je neophodno jasno i precizno navesti način rada, resurse kojima raspolazete i jasnu ideju kako planirate da realizujete projekat kojim konkurišete.

➤ **Da li član neformalne grupe može biti strani državljanin?**

U grupi koja realizuje projekat može biti i strani državljanin, ukoliko je dio neformalne grupe koja je aktivna u lokalnoj zajednici. Ovlašteni predstavnik grupe koji potpisuje ugovor o realizaciji projekta mora biti državljanin Bosne i Hercegovine.

➤ **Da li je uz prijavni formular potrebno dostaviti i protokol o saradnji sa drugim organizacijama?**

Ukoliko je prijedlogom projekta predviđeno partnerstvo sa drugim organizacijama ili institucijama, poželjno je dostaviti protokol o saradnji, sa jasno naznačenim ulogama u procesu realizacije projekta koji predlažete.

Zenica se pita!

www.lokalnafondacijazenica.ba



➤ **Da li je moguće u toku projekta mijenjati budžet ili aktivnosti?**

Iz opravdanih razloga, a uz odobrenje i konsultacije sa timom LFZ, moguće je vršiti realokacije sa jedne budžetske stavke na drugu. Nije moguće povećanje ili smanjenje odobrenog budžeta. Moguće je iz opravdanih razlog mijenjati i aktivnosti.

Zenica se pita!

www.lokalnafondacijazenica.ba